

zeruko ARGIA

HAZKOLA TA BANAKOLA: OKENDO. 22 - SAN SEBASTIAN - TEL. 426666 - PREZIOA 7 PEZETA

Benetako artista

Isidro Ansorena, Txistularia

Berari zor dio txistuak den guztia

Iruñeko, Baionako eta Lekeitioko eliz nagusietan ba omen dira arrian landutako aingeru txistulariak bere danbolin eta guzti. Eta aingeru maillara iritxi zaigun aragizko txistulari beneragarri den Isidro Ansorena jaunari gure elkarriketa egitera eldu geranean ikusi dugu, ikusi, Donostiako txistulari famatuak ez diola inbiri inongo aingeruri.

Gizon apala, apalik bada, aurkitu dugu konpota-katillu bat gosaltzen ari zela. Farre egiten zion elkarriketa egin beharri. Izan ere, txistularien maixu aundi honi utsaren urrena egin duela iruditzen zaio, bere txistularitzan. Txikitandik ikasi baitzuen, etxetik baitzekarren ezurretaraino sartua.

Larogeita bat urte egingo ditu datorren maiatzean eta amaiauekin asi zen txistu jotzen, kaleko txistularitzan.

Hori Ernanin zan, ernaniarra baitugu gure maixua.

Munduko txistularirik onena dela esan diodanean, ezet esaten du. Hori gehiegi esatea dela. Baina guk badakigu hori duela eta besterik ez bere neurri jatorra.

—oOo—

—Ez ote zera, bada, zu danetan onena?

—Ez, ez. Gasteizkoak gure aurretik izan ziran Bermeon, 1910 garren urtean...

—Nork irakatsi zizun txistua jotzen?

—Gure aita txistugillea zan; eta sarritan esaten zidan: "Jo ezak hori!" Nik hura jo egin behar, nolakoate zan ikus zedin. Baiña nik iru osaba izan nituen txistulari, irurak zein baino zein obeak. Inazio, Castro Urdialeseko txistulari, Manuel, Errenteriakoa eta Fernando Balmasedakoa. Eta nere osaba Fernando honek erakutsi zidan fin-tasun pixka batekin jotzen.

—Gaztetandik asi ziñan Ernaniko plazara iritetzen...

—Amalau urtekin. Ederra izan zan hura! Bazan Ernanin txistulari-banda. Eta behiñola, Olaiçola, bigarren txistulari zenaren anaia bat, beste norbaitekin mutur joka ibilli zela edo ez zela, txistulari-ari alkateak bere lekua bat batean

kendu zion, zer ikusirik ez bazuen ere arazo hartan. Horrela gertatzen dira gauzak.

Orduan nere anaia Joseri eman zioten lan hura, bera ere ibiltzen baitzen Donostiako elkarteetan eta, txistu jotzen. Baina nere anaia ez zan osasuntsua eta utzi egin behar izan zuen. Neri deitu zidaten, geratzen zen txistulari zaharrari lagun nezaion. Eta horrela ibilli nintzan zaharrarekin bi urtetan, danbeliñik gabe. Teodoro Erauskin zen zahar hura. Laister il zen eta berriz ere gure anaia asi zen. Biok ibilli giñen.

—Beste maixurik ez al zenduen izan?

—Bai. Garai hartan Ernanin oposizioak egin zituzten eta ni Tolosara joaten nintzan, Jose Zestona jaunarengana, ikastera. Harek erakutsi zidan asko, asko benetan. Ni ez nintzen alkatearen gogozkoa baiña nere maixuak orduan eta arreta gehiagoz prestatu ninduen. Eta baita irabazi ere.

—Zerbait berezirik erakutsi al zizun Zendoiak?



—Bai. Harek zionez, nik beste inork ez zion jarraitu bere eskolari.

—Zuk ez al duzu zeure eskola bat sortarazi? Zuk egin ohi izan duzun konpas irukoitz hortaz zer diozu?

—Batzango txistulari batek jaso zuen liburu batean era hori. Iruñen, klarineta jotzen zuen Larruker izeneko batek erabiltzen zuen eta neri liburna utzi zidan. Gero hortik aurrera, nere xaltza ere eman izan diot, jakiña.

—Guk badakigu maixuaren «xaltza» hori, Ansorenaren eskola berri bat izan dela. Inork ez bezala goxatu baitu berak txistua. Goxatu, findu, goraiatu, artista batek bakarrik egin dezaken moduan. Ansorenarekin igo zan txistularitza goi maillara. Gaur txistua nola jotzen dela uste duzu?

NON ZER

- OHORE ZURI!
Gaztelu 3 garrenean
- AHOZABAL MUTUAK
Elexpuru 3 garrenean
- VIETNAM-GO KONDAIRA GORRIA
Elustondo 5 garrenean
- JON MIRANDE HIL ZAIGU!
Etxaide - Arze 7 garrenean
- GOGOETA BATZUEK
Arregi - Mujika 11 garrenean

li egin zioten eta gure aitak bueltatu egin behar izan zizkien artutako 60 pezeta. Irurogei urte ditu orain txistu horrek, eta ez nuke salduko urtearen truke.

—Zer esango zenduke orain gauza berriak egiten eta era berrien billa dabiltzan taldeez?

—Holek oso gauza ezberdinak dira...

—Zure familian ba al da seme edo illobarik zure maillara iritxi denik?

—Illoba bat, Jose Inazio, poliki dabil... baiñan oraindik ez nau gaudititu.

—oOo—

Nola gaudititu, ene bada, txistugille, eresgille, txistulari, maixu eta sortzaille izan den artista oso hau?

Bere apaltasunak liluratu gaitu. 1922garren urteaz gero Donostiako erriak asko eta asko zor dio Isidro Ansorena jaunari. Zenbat kalejira, zortziko, ariñ-arin eta musika saio eder zabaldu dituen gizon honek Parte Zahar hortan zehar! Eta Donostian ez ezik, makiña bat Udaletxeri idatziz eta itzez adierazi izan dio txistulari bandarik gabe ez uzteko erria. Euskalerritik kanpora ere Ansorenagatik ezagutu ahal izan dute noraño igo dituen, artista on baten eskuetan, gure ezaguri sonatua den soñu hori. Lehen, Orfeoia kanpora irtetzen zen bakoitzean, Donostiako Txistulariek ere joaten bait ziren.

Ar bitza maixu apal eta aundiak zor zaion esker ona, eta gure omena.

NERE BORDATXOTIK

Agindu genizuten bezela, Azpeiti'n ikusitakoaren berri ematera goaz. Otz goiz partetik; izotza, orma. Eguardike amabiterdian ezin da giro ohea. Eguzki epel, goxoa.

Jendea poliki bildu zan Otaño ta "Urreta'ren" arteko leia-keta ikustera. Sarrera polita.

Plazan sartu ginanerako, ta ebateko zegoen egur errenkari begira jarri, naigabe aundi bat nabaitu genduen gure barruan. Ainbesteko egur pillatik, iru enbor, iru "tronko" bakarrik zenden legezkoak edo kondiziozkoak; "Urreta'k" aukeratu ta jarritako iru egurrak.

Aiek borobillak ziran guztiz, Euskalerriko oitura zarrak agintzen duen bezela.

Beste danak legez kanpokoak; ontzat eman etzitezkenak eta borobiltasunaren arrastorik inundik etzutenak. Zapalak, edo kuadratuak: ziri tankerakoak asko.

"Irabazleak lan danak 22 minutuan bukatu baietz", otsegiten zuten korredoreak.

Federazioko gizon Artola jaunak, norgeiagoka asi aurretik, itz batzuk egin zituen jendearen aurrean. Onela mintzatu zan:

"Otaño ta "Urreta" konforme daude beren apustua aurrea eramateko.

Federazioak ontan eztu ezer esatekorik. Ala nai badute, joka ditezela. Egurrak legez eta kondizioz jarriak eztauden ezker, onenbeste denboran ebaki baietz eta eztezan egin diran trabesak ezteze balioko: ezteze indarrik izango. Gipuzkoa'ko Federazioak eztu aintzat artuko aizkolariak lanean pasatzen duten denborarik.

Ezta apuntatu ere eztu egin go gaurko markarik".

Egundoko txaloak jo zitzaizkion Artola jaunari.

Jendearen pentsamentua agertu baizuen; plazan zegoen bakoitzak une artan pentsatzen zuena.

Gu ez gera inor mindu zale, ta Jainkoak aparta gaitzala ontatik.

Egiak esanzale bai ordea, gure egitekoa au da-ta.

Gizaldiz-gizaldi gure egunetariño etorri diran oiturak eta legeak era ontan apurtu, narrastu ta ondatu bear al ditugu?

Num degu burua ta gizatasuna?

Egingo dan lana egin, pasako dan denbora pasa, baiña enborrak izan ditezela enborrak, eta ez tabloiak. Basoko zugalzak, arbolak, borobillak izaten dira, ta ala izaten ziran len plazan ebaten ziranak ere; al

zanik borobillan.

Irabazleak 27 minutuan bukatuko ote ditu bere egitekoak?", ari giñan galdezka radioz eta periodikuz.

Lenagotik ebaki zituzten, baiña len esan degunez, Azpeiti'ko markak eztu balio. Federazioak etzuen aintzat artu, ta ezta apuntatu ere legezkatat. Badakigu zer denbora pasa zuten batek eta besteak. Balio gabeko denborak dira ordea.

Otaño irabazleak, 22 minutu ta 37 segundotan eman zuen 22 oinbeteko izenekoen kontu. "Urreta" gaitzailleak, 23 minutu ta 25 segundotan, 25.

Egur legezko ta kondiziozkoak izan balira, naiko lanak izango zituzten 27 minutuan erdibitzen. Ez segurnago.

Gogor jo zuten, egin zituzten alegiñak. Ontan eztaukagu zer esanik. Txalo beroak jasoko zituzten itxuran jarritako egurrak izan balituzte. Ala etzitzutelako, egindako lanari etzion jendeak eskerririk eman. Alperrik nekatu zirala esan bear.

Gure iritzi argalak ezer balio baleza, auxe esango genduke: legez kontra jarrita dagon egurrik ez litzakela ebaki bear plazan; alako norgeiagokak, bate-re errukirik gabe, erabat galezarri bear litzakela Federazioak. Joka bear badute joka dezatela

aurretik datozen oitura ta arauak errespetatuz. Plazan sarre-ra kobratu ezker ala nai litzake.

Konforme dirala biak egurrak "ontaraka edo artaraka" jarrita jokatzeko? Joka ditezela basoan, mendian, edo base-rri atari batean, nai badute, baiña ez inongo plazan eta sarre-arekin.

Federazioak asko lezake ontan: dan-dana. Bera da, gure ustez, erabaki latzak artu bear dituen. Legepean, edo baterez.

Araudi edo "erreglamentu" berri bat antolatu, nai bada, lengo oitura nola dan ondo dakien ezker. Artara makurtu ditezela danak.

Beste gaitzontzean eragotzi, ta kito!

Ikasiko luke jendeak zintzo ibiltzen. Ia zer erremerio!

Lenengo bost egurrak Otaño'k, 3 minutu ta 48 segundotan ebaki zituen: amar, 8 minutu ta 40 segundotan. Amabost, 14 minutu ta 27 segundotan. Emegortzi, 18 minutu ta 10 segundotan. Ogeitabi, 22' 37".

"Urreta'k": bost, 3 minutu ta 45 segundotan. Amar, 8 minutuan. Amabost, 13 minutuan. Ogei, 17 minutu ta 55 segundotan. Ogeitabost, 23 minutu ta 25 segundotan.

Otaño'ren adiña (edadea): 21 urte. Pixua: 86 kilo.

"Urreta'ren" adiña: 28 urte. Pixua: 84 kilo.

Otaño'ren erakuslea: Esteban Saralegi jauna; "Urreta'rena", Kristobal Lazkano jauna. Penagarria ikusi genduen.

Len ez genekien zerbaiz jakin degu.

Erabaki dute "Arria" bigarrenak eta Latasa'k zein plazetan jokatu.

Tolosa'koa aukeratu dute.

"Arria'k" Azpeiti'koa nai zuen, bertakoa danez, baiña indar aundia zegoen beste aldetik. Napar aizkorazaleentzat alde aundia dago, izan ere.

Naparroa mendi aldeko jendeak tratu geiago du Tolosa'rekin Iruña'rekin baiño, naiz-

ta beren uri-buru edo "kapit-tala" izan.

Dala azoka, dala peri, dala apustu, ingurumarietako napar-rak Tolosa'ra datoz alai ta pezez. Etxeko dira bertan.

Egurrak erdibana aukeratuko dituzte.

Amar enbor eramango ditu Latasa'k Tolosa'ko zezen plaza-ra, ta amaika enbor, "Arria'k".

Plazako egur-jartze lana ere erdibana egingo dute.

Ogeitabat kana-erdiko, "Arria'rentzat".

Ogei kana-erdiko, Latasa'rentzat.

Eskubide bat du "Arria'k": Latasa'k baiño geiago ebaki bear egur bakarria aukeratzeko ta ebateko moduan berak jartzeko.

Aizkolari bakoitzak erakusle bi izango ditu.

Joko —eguna baiño zortzi— amar egun aurreragotik, plazarako sarre-arak onoko ostatu aurretan salduko dira:

Donosti'n: Bar Urola'n.

Tolosa'n: Bar Egoki'n.

Azpeiti'n: Bar Bitor'en.

Eibar'en: Bar Agiñazpi'n.

Irabazleak jasoko duen diru sorta, berrogei mila duro.

Dirujasotzailea: Donosti'ko Bar Urola'ko nagusi jauna.

Ezeren okerririk ezjala, otsail-laren emegortzigarren egunean, eguadiako amabiterdian izango da norgeiagoka au.

"Arria" gaztearen ametsa Sumbilla'ko aizkolari maixua menderatzea da. Berrogeitairu urte ditu Latasa'k, eta egundotz izan danik onena orain da "Arria".

Kana-erdiko baten bentaja dauka emana gazteak zarrari.

Ze ikusteko ote gaude illaren emegortzian?


Egi bihurtuko ote azpeitiarra- ren ametsa?

Kukuak oker joko ete?

Denboraz jakingo degu, Jauna lagun.

Baserri

Gipuzkoar lantegi txiki eta aundigoaren oiñarri sendoa



Lantegietarako diru laguntza

CAJA DE AHORROS PROVINCIAL etxeak, industria egoera gogoan arturik LANTEGIAREN ALDE PRESTAMENAK eratu dituzte txiki eta aundigoek eskura dezaten. Lantegi barruan makinarria aldatu bear duzula, lantegia eraberritu edo aunditu nai duzula eta kezkatu bazau, zure lasaipiderako LANTE-

GIAREN ALDE PRESTAMENA antolatua dugula jakin ezazu. Zatoz eta inbentarioak zuzentzeko bear duzun argitasun eta laguntzarik gure artean aurkituko duzue. LANTEGIAREN ALDE eratu dugun diru babes eta laguntzaren ondoren ikusiko dituzue.

CAJA DE AHORROS PROVINCIAL DE GUIPUZCOA




JOSE ESTORNES LASA-ri ESKARIA

Estornes Lasa jaunak hauxe dio behin eta berriz: «Begira ezazute oraingo «Zeruko Argia» bakarrik: bakoitzak nai dun bezela idazten du. Izugarriko anarkia. Talde ortografiaren batasuna zatitu du. Eta au da gogorra, batasunaren izenean. Eta zerbaiz bialtzen ba' degu, «h»z josi agertzen da, baimenik gabe».

Esaiguzu, mesedez, ea noizko «Zeruko Argia»n eta noren lana josi dugun «h»z. Esaten duzun hori proba zazu. Besterik ez.

ZUZENDARITZAK

EROSI 1973 garrengo molde berrico gauzak



AMUEBLADORA COMERCIAL HISPANIA
24 hilabeteko ordain-epak

ERAMAN ETA EZARRI DEBALDE PROBINTZI BARRUAN
DONOSTIAN IRUNEN
MORAZA, 3-14 eta 15nean SAN MARCIAL, 12nean

Pedro Migel Urruzuno-ren Omenez Elgoibarren

Kazetaritzaz mahai biribila eta Euskaltzaindiaren bilera



Mahai buruaren alderdi bat: Julene Azpeitia, Pierre Lafitte, Antonio Arrue, Jean Haritxelhar, Luis Mari Ulazia, Anjel Ajobita eta Aita Villasante.

Urtarrilaren 17tik, 28ra, bitarteko hamar egun luzeetan barrena, Elgoibarren eratu da bertako seme ospetsu, apaiz langile, idazle umoretsu eta lehenetarikoa euskaltzain laguntzaile izan zen Pedro Migel Urruzunoren omenaldia. Dakikegunez, egitarau guztiz herrikoia "Ongarri" Elkarteak Urruzunoren oroitzapenetan prestatu duena, behar bada halako saiataria ohituegi ez dagoen herri bati zegokiokeen eran edo. Egunak, bestalde, aukerakoak, zeran Urruzuno hil zela berrogeita hamar urte betetzeaz gainera, egun hautan ospatu ohi dira Elgoibarren San Anton jaia. Beraz, alde batetatik ezin bestetatik, benetan jai giroa Elgoibarren.

Egitarauan zehar ikus ahal izan genduen, hitz batez denetarik izan da Elgoibarren harako hamabi egunen buruan, haur jaialdiak, kantari eta bertsolari saiok, pintatzaile erakusketak, haurren pintura, eskulan eta argazki sariketak, hitzaldiak zein antzerki saiok, baserriarren feria, liburu azoka eta beste.

Denak banan banan aipatu ezinean, aipa di-tzagun gutienik azken bi egunetako saiorik berezikiak, elgoibartarrei ezetik, euskaldun orori ere erabat dagozkigunak bait dira, larunbateko (1-27) euskal kazetaritzari buruzko mahai biribila eta biharamunean ospatu zen Euskaltzaindiaren bilera, alegia.

MAHAI BIRIBILA

Hilaren 27an, eratu zen mahai biribila aste bete lehenago eratzekotan burutua zen, programari bega-egozki behintzat, eta Juan San Martin euskaltzain idazkariaren zuzendaritzapean. Hala ere, ez zen ahal eizan San Martinen gaixoaldi bategatik, lehenik, eta eprogramazioaren beraren atzerapenagatik gero. Dena edela, hurren larunbaterako utzi zen, Jaber Aranburu kazetalaria mahai zuzendari berri bezela izendatu eta gero.

Baina, nonbait, kazetaritzari buruzko mahai biribil honek ez zuen nahi, antza, bide erosoetan zehar ibili, baina hara non Aranburuk etor ahal ezina jakinarazi zuen, egun berean beste biltzarren bat bait zuen Baztanen. Honela ba, zer egin? nora jo? Antolatzaileak Imanol Laspiurrekin mintzatu ziren, nolabait hartan lagun zezaien. Bai erantzun ere Imanolek, ohi duen prestutasunarekin, bai eta azken orduan buru belarri garazoari kementsu atxiki ere, gero ikus ahal izan genduen.

Antolatzaileengandik jakin genduen, zortzi aldizkari bidali zitzaion harako deia, kazetaritzaz mahai biribil hartan parte har zezaten: AGUR, ANAITASUNA, EGAN, GOIZ ARGI, JAKIN, KARMEK, PRINCIPE DE VIANA eta ZERUKO ARGIA aldizkariak, alegia. Baionako HERRIAZ ez ziren, ez, ahaztu, baina arazoaren bat edo bestez, telefonoz eta deitu nahian ihardun arren, ez zen posible izan ezer egiterik, antolatzaileen beren eta ez beste inoren eruz —aitortu zuten—. Hala ere, diogun haien aringarri, zerbait egiten dutenei gertatzen zaizkiela akatsak, eta, ez, noski, patxadan ezertxori ekiten ez diotenei.

Dena den, aipatuak aipatu, ez genekien mahai biribila hasiaurretik zein aldizkarietako ordezkariak etorriko ziren, inork ez bait zion deia erantzun. Herriarengan harako mahai biribilak harrera onik eraginen zuenik ere ez jakin. Beldur ziren elgoibartarrak: Batek daki nola erantzungo dauan jendeak —ziosan Felix Etxeberriak ordu erdi lehenago—. Astearteko hitzaldian hogeitaka bildu ginen; «Iru Ziri» antzerki saioan, berriz, gainezka, ezin sartu ezinik, istilu eta guzti! Pixkanaka, pixkanaka jendea hurbiltzen hasi zen, hala ere, eta azkenean, inork uste ez izan arren, leporaino bete zen Urbitarte deritzan aretoa, jendeak kazetaritzaz duen kezka erabat agerraziz.

Aldizkariak, aldiz, ez zioten erantzun herriaren harrera on hari, bi aldizkarietako arduradunak baino ez bait ziren azaldu, ANAITASUNA-ko Yosu Torre eta ZERUKO ARGIA-ko Mikel Ugalde. Azaldu ez zirenez zer esan? Gure ustetan —inor gutiatsi gabe— sobera genituen kazetaritzari buruzko mahai biribil hartan JAKIN, KARMEK eta EGAN aldizkariak. Lehenik JAKIN ez delako dagoeneko aldizkari peto bat, eta gainontzeko biak aldizkari tankeran agertzen bazaizkigu ere, ez dutelako funtsean kazetaritzazko senarik —gaia, gaurkotatuna, albistaritza eta—. Barkagarri edo aski ulerterraz; bestalde, iruñarrak ez etortzea, joan-etorriko arrazoiak direla eta.

Honela hasi zen ba zorioneko mahai biribil «ponpo» hura, bi aldizkarietako arduradunekin bakarrik. Batek baino gehiagok pentsa ahal izanen zuen —guk bezala—, harako mintzaldia lur jota hasten zela, eta onenean ere gainbera zetorrela. Ez zuen nonbait inork kontatzen mahai zuzendaritzarekin, hau da, Imanol Laspiurrekin, ohi duen trebetasun, saltsa eta jabetasunarekin, ustegabeko iharduna moldatu bait zigan. Bati eta besteri galdetuz, galdera baktiza egin ahala entzuleei ere aukera emanez, azkenerako utzi gabe, eta goiaz kanpo legokeen hainbat galdera zorrotz

azalduz, beste inork ez zukeena eginen egin zuen maisuki Imanolek. Eta hau ez da gure zurikeria hutsa, aho batez hainbatek esan zigan iritzia baizik, bai elgoibartar entzuleok, bai eta Mikel Ugaldek berak biharamunean ere.

Honelatsu ekin zion Imanolek errebotez leporatu zitzaion zereginari. Sei ziren egitarauan barrena agertzen ziren puntuok: 1.—Aldizkariaren jomuga. 2.—Zein gaitzuk nagusienak, premiazkoenak. 3.—Kulturagintza. Irakurle heziketa. 4.—Aldizkari-irakurlearen arteko harremanak. 5.—Hizkuntza kazetaritzan. 6.—Euskaltzaindiak onarturiko idaz-arauek kazetaritzagintzan erakar ditzaketen eragozpenak eta oztupoak.

Ez ditugu, noski, aipatu guztiak hemen azalduko, ez eta baten zein besteren esanak zehatz mehatz bereziko. Batetatik, zenbait galderen erantzunak —4 eta 5garrenak esate baterako— lehen hiruretan bide batez aipatu bait ziren, hala beharrez eta hariari etorri ahala atxikiz. Bestetatik ez zen han aldizkari bat edo beste aztertzen zena, kazetaritza bera soil soilik baizik, euskal kazetaritza alegia, guztion premia eta denon laguntzaren beharretan dugun euskal kazetaritza koskorra, hain zuzen.

Edozein modutan ere, zenbait gauzatan mahaikoak bat etorri arren ez denetan, noski, ezin ba iritzi berdina izan, hamabosteroko edo astekari izatearen arauera egoki eta bidezko den bezalaxe. Honela, Yosu Torreren ustetan aldizkari baten lehen zeregina albistaritza —informatzea— da, behar bada hamabosteroko batek eman ahal izanen dituen berrien zain egoterik ez badugu ere. Honetaz, beharrezko dugu berrien azterketa eta aipamena, aurrez ezagutzen ditugun berriez zenbait burutapen eskainiz. Horrez gainera, aldizkaria egiaren eta herriaren zerbitzuan egon behar omen du, euskal irakurlego xehea kontutan hartuz gainera, irakurle horri irakatsiz eta bera hezituz. Bestalde, gaur egun, alfabetatze ikasaldien ariketak eta irakurgaiak eskaintzea egin beharrezko arazoa bide da.

Mikel Ugalde, berriz, esandako zenbait baieztatu, herrietako berrien garrantziak mintzatu zitzaigun, jende askok eta askok nork bere herriko berrietatik ekiten bait dio aldizkaria irakurtzeari. ZERUKO ARGIA erabat arduratu omen da zuzendaritza eta irakurlearen arteko harremanak ugaltzen eta bizkortzen, jendeak, batez beste, zer irakurtzen duen gustoren eta zer ez duen irakurtzen jakin ahal izateko. Euskaldungoaren berri ematea ere, hona hemen astekari baten nahita ezko eginkizuna. Halaber, kronikak moldatzea, hau da, Euskal Herrian ezetik, munduan barrena gertatu ohi diren berriak aztertzea, eraz eta moldez, euskal irakurleari interesgarri eta ulergari dakion eran azalduz.

Kritika aipatu zen gero. Kritika eta kritikakaria berezi beharra. Zenbait idazleren izenak entzuleen ahotan aipatu ziren. Kritikaren zentzia, jakinduria eta «ekilibrio» aipatu zen. Kritikakariak zenbait gutitan ondorio onuragarriak erakar badezake ere, ezin dai-tekeela inolaz ere alde aurretik ontzat eman. Egiazko kritika eza ere azaldu zen, bai eta kritikaren balio edo ondorio urria ere, guztiok hain ezagunak gara ere, kritikak dioena irakurri aurretik, kritika bera idatzi duen egilearen izena irakurtzen bait da aurrenik, eta gehienetan izenaren arauera onetsi edo ez. Azkenik, aldizkariak erredaziozko zuzentzaile duten bezalaxe, zentzu eta mami zuzentzaile ere derrigorrezko behar luketela izan.

Hizkuntza —euskara— tresna bezala azaldu zen, kazetaritzako tresna, nola hala gainontzeko arazo guztietan euskaldunon tresna adiarazbide izan behar duen —edo lukeen— bezalaxe. Euskara euskaragatik ez. Ez eta kazetaritza bera euskararako ere, euskara

euskal kazetaritzaren tresna bezala baizik. Euskara-rekiko artikulua gehiegia ere salatu zen.


Euskaltzaindiak onarturiko arauak, azkenik, ANAITASUNA aspaldi definitu zela honetaz esan zigan Yosu Torre, aldizkari csoari halako itxura bateratsu bat emanez. ZERUKO ARGIA-k bestalde, ez du hauzi honetan erabaki zehatzik hartu, baina, hori bai, zuzendaritza mailan Euskaltzaindiaren esanari jaramon egin ez eta gutienik Arantzazuko arauak jarraituz. Horrez gainera, Ugaldek zioenez, zuzendaritzak ondo ikusten omen du herrietako berri emaleek nork bere euskara erabiltzea. Erantzun ere erantzun zitzaion, Arantzazuko arauak ez dutela inondik ere euskalkien muina eta sena galeratzen.

Azkenik, atzekaldean zen giputz peto peto batek —Euskaltzaindiaren jokaera erabat onartzu gero— herri xehearen jakintza eza gogorazi zigun zenbait hitz goxoz, bai eta muturkeria eta alferriko irainak ahalik eta azkarren baster ditzagula eskatu ere, arazo hau dela eta, hainbat euskaldun mindurik bait dago, edo amaika urtetan modu batez idatzi izan duela, edo orain aldatzea zail zaiolako, edo, agian, oker nahiz zuzen, gauzak nahi bezain garbi ikusten ez dituelako. Guztion onetan inoren iritzirik errespetatzen ikas dezagula esanez, bestelako gauza aipagarriak gabe eman zitzaion amaiera borondate onenarekin elgoibartarrek moldatu zuten kazetaritzari buruzko mahai biribil honi.

Honelatsu ba bukatu zen. Esan dugunez hasieran, jendea ugari, arreta biziz. Mahaikoak bestalde, aukeratu, daitekeen modurik onenean. Benetan uste dugu arras positibo izan zela, ondoren etor daitezkeen mintzaldien oinarri interesgarri. Bedi euskal kazetaritzaren onetan. Beharrik ere badugu!

EUSKALTZAINDIAREN BILERA

Biharamunean, hilaren 28an, beraz, Euskaltzaindiak bere hileroko bilera ospatu zuen Elgoibarren, Pedro Migel Urruzuno euskaltzain laguntzaile zenaren omenez.



Antton Aranburu, «Hamalau zango» irakurtzen.



Irakasle agiriak ematen. Aita Villasante eta Juan San Martin. Eskuin aldean, Aita Zabala eta Jose Luis Lizundia.

ELIZAREN BERRI

MAITASUNA ETA BORROKA

Matagrín, jadanik, aski ezaguna dugu: Grenoble-ko gotzaina, Frantziako Gotzainen azken batzar nagusian "kristau politika ihardunari" buruzko txostena zuzendu zuena alegia.

Antoine Riboud, berriz, enpresalaria da.

Frantziako kristau enpresariak antolatutako batzar batetan, gai bi harrotu dituzte aipatu bi gizaseme horiek: Elizaren erantzukizun politikoa batak, eta enpresa-buruzagiaren sozial erantzukizuna besteak.

Grenoble-ko gotzaina honetara heldu zen: giza maila arteko borrokaren aurrean "eramantasa (jasantasa alegia) ez ditek kristautzat har"; maitasunak istiluei bekoz beko, aurrez aurre begiratzeari (zentzu eginkorren hartuaz, jakina) eskatzen du.

Aipaturiko enpresa-buruzagiak honela aurpegiatzen dio: sozial istiluren bati buruz, zer-nolako analisia objetibo ukan dezake Elizak, errespetu ahal dezake tartean dabilten pertsonen pluralismoa?

Galdera zorrotza inondik ere, eta maltzurra.

Halatan bada, hona Matagrinen erantzuna: sarritan, giza maila arteko istiluei buruz, analisiabide eta aukerabide asko izan ohi da; halabaina, kristauak har lezaken bi-deak, edozein delarik ere, Ebanjelioaren gorenko galdakizunei erantzuteko gisakoa izan behar du, hots, behartsuenen errespetoa, aberastasunen susmoa, diruaren gaitzestea dakartzenak. Eta Matagrinen konklusioa: "Maitasunarekiko sasi teologia hal, hots, gizon emakume guztiak sende direla eta, beraien arteko borroka axola ez dena. zapuztu egiten dut".

Ezin esan Matagrinen hitz horiek aplikazio urrikoak direnik; aitzitik, bete betekoak direla esan behar, eta maila guztietan. Lekuko, oraindik orain bi gotzalek argitara emaniko ageria. "Principe de Viana" azken zenbakian (83nean) J. Aeman Z.nek esaten zuena esan behar nik ere: "Pena da hemen gehiago ezin idatzia". Baina, irakaspas bat eman nahi, erruren bat gaitzetsi nahi, eta okasiotzat erantzunik eman ez dezakeen beherekoaren jokamoldea hartzeak, ez du ematen hor goian aipaturiko printzipio hori betetzen duenik, askoz gutxiago ere. Taktika aldetik ere, arras kamutsa jotzen dut horrelako jokabidea, zeren eta, ez goikoez, ez behekoek ez bait dute hain-tzat hartuko horrelako irakaspiderik.

Pentsamendu adierazteko, parabolez ordea, urruneko zeharbidera jo beharrean gertatzen garenok, parabolen maisuak zioena bera esanen ahalko: Qui potets capere, capiak.

KRISTAUA ETA SOZIALISMOA

Aspaldion asko harrotzen ari den arazoa. Frantziaren batez ere; bozketak gainean izaki, eta kristauegandiko botoak irabazte sozialistentzat ahuntzaren gaurdiko ez-tula baino joan-etorri handikoa berriz. Horrez gero, eginahalak egiten dituzte hau frogatzeko: sozialismoa ez doala kristautasunaren aurka. Oraino ere, kristau askoren zatit frogatzeko bait dago hauzi hori.

Ondoren, Frantziako sozialista alderdiaren koordinaketarako idazkari nazionala den Pierre Mauroy-reu erantzuna emanen dut, aipatu arazoari buruz.

Bost puntutara bil daiteke egin zitzaion interviewa; bi punturi buruzko erantzuna bakarrik emanen dut:

1. Kristautasuna eta sozialismoa. "Ezin jabetu naiz —zioen— XIX mendeko kristua sozialismora nola ez zen heldu; sozialismoak orduan ekonomi zapalkutzagandiko askapena eskatzen bait zuen, edonorentzat lan egiteko eskubidea, bizitzetxe taxuskorako eskubidea, emakume eta haurrekiko babes... Gaurgo Eliza katolikoak, luzaroen monarkiaren aldekoa izan delarik, ez du onartzen politika gutxi batzuen arazo gerta dadin, baizik "gizartearen bizitzearen aldeko guztien borroka" dela esaten du. Gaur, hain zuzen, hauxe azpimarratzen du: gizakiaren frutu diren zuzengabekeriak "egiturazko zuzengabekeriak sortu dituzte, eta horrez gero, egitura aldakuntzetara jo behar da". Elizak, guk ere onartzen ditugun galdakizun etikoak galdatzen ditu kristauegandik: pertsona ahulenen babes, diru nagusitzaren gaitzespina, pertsonen errespetoa, aginpide totalitariorien ezabatzea".

2. Filosofia iritzi desberdina. "Sozialista alderdiak ez die eskatzen alderdikideei marxismoa onar dezaten. Bestalde, marxismoaz mintzatzean, berezketarik egin behar da: gauza bat da materialismo dialektikoa, filosofia osoztat datorrena, eta beste gauza da marxismoa, historiazko eta ekonomiazko analisiabide bezala, gaurko pentsamenduaren patrimonian sartzen dena.

Izan ere, bada "erabateko" marxista sinesterik; bada ere, ordea, —eta hona ni bat— marxismoa errealitate sozialaren analisiarako tresna bezala hartzen duenik".

Horra beraz. Gauzak ez dago, ez

onartzerik, ez gaitzesterik, kriteriorik eta berezketarik gabe. Dena den, ez dago arrazoinik, oraindik orain Ikastola-Batzen batetan gertatu denez, sozialismo hitza atzerako egundoko iskanbila harrotzeko.

eta euskaldun familiatakoek, enskaraz egiteko erraztasunik ez dutela eta, euskal giroak batzarretan barra-barra erderaz aritzeko lotsarik ez dutela? "Ad majora natus sum", nonbait.

POITIERS-KO SEMEA, BAIONAKO GOTZAIN

Urtarrilaren 20ean sagaratu dute gotzain, Baionarako gotzain-lagun izendatua izan zena. Elizkizuna Potiers-en egin zuten. Jende asko joana da haruntz Euskal Herriitik.


Hasteko, itxaropen ederrik, bai Baionako artzain, eta Potiers-en gotzaindu, halajaina! Ez zegok gaizki!

Halere, ba omen alde baikorrik ere. Euskara ikasi nahi lukeela diote. Geroak esanen. Aldez aurretik, halere, esames horietan uste handirik ezin ezar. Ez ahal da ba egia, Euskal Herri bertako semeek,

BREBIARIOA EUSKARAZ SALMUDIA ORIXE-RENA

Laster izanen omen dugu euskaraz Brebiarioa. Frantsesek egina dute; gaztelarazkoa ere agertua da. Euskarazkoa ere, laster, agi denez, Jakina, liturgiako testo guztiak bezalako euskalkitan joanen da, zeren eta gipuzkoerazkoa gertutua delarik, bizkaierazkoa gertutzekoan direla entzuna bait dugu; osoa izateko, lapurtarra faltako litzake. Hori ere eginen da, noski; ez dugu dudarik. Behin hasiazko gero, motilak gara gu, euskaldunok, gauzak erdipurdi egiteko!

AMUNSA




NORK KUKURRUKU!!!

OLLARRAK

OLLOTEGIAN?

...Ez. FAGOR'ek

sukaldian



ZURETZAT

Bankaetxe on batek arazo asko koponduko dizkizu.

Zenbat eta eskurago orduan eta errezago.

Banco Guipuzcoano

gertuan daukazu, zure zerbitzuan prest eta gogotsu.

Mahai inguru baten inguruan

Euskal ekonomiaren etorkizunari begira (II)

Urtarrilaren 11an egin zen mahai-inguruaz mintzatu nahi nuke bigarrenengo lantxo honetan.

Aurrekoan aipatzen nituen hizlari berberak oraingoan ere mahai-inguruan J.J. Rodriguez-en zuzendaritzapean. Oso ondo zuzendu zuela elkarrizketa J.J. Rodriguez-ek esan behar dugu bidenabar.

Bil ditzagun iritziak eta eztabaidak gai bakoitzari lotuz: Entzuleen artean egindako galderek sortu zituzten gai hauek. Beste egun guztietan bezala arazoari muin-muinean sartzen zioten galdera egokiaren eztena.

Baina erantzunak ere aitzaki haundirik gabeak dira. Zuzen eta jator erantzuten ziren galderak. Orainxe bertan ikus ditzakegu.

A) Heziera izan zen lehenik aipatu zen gaia. Bi alderdi ikusi zitzaizkion gaiari.

- 1) Heziera eta industri etxeen arteko harremanen lokarriak.
- 2) Lantoki eta ikastetxe jakin baten arteko harremanak.

Gaurko ekonomian hezierak duen garrantziaz zertxobait zehatz-mehatzago eta garbixeago esan zen. Produzio indarren arteko indar berri bat bezala jotzen da industriaren bigarren aldiaren heziera lehen-goan aipatu genduaneraz gero. Produzioaren alderdi bat bezala hartzen da giza alderdi hau gaurko ekonomiazko liburutetan.

Oinarizko pentsakizun hauek berritu ziren eztabaidaren hasieran bidetik kanpora amildu ez zedin gaia.

a) Goi mailako heziera eskatzen dute herri aurreratu bateko teknika-molde berriak; buru-lanaz baliatu beharko bait dute. Buru-lana neurtsuko eta eskertuko da.

b) Aldatu egiten dira gizarteko egoerak eta egoera hortarako taxua. Ikasi eta ohitu egin behar da teknika-molde berrietara ere moldatzen.

d) Etengabe ikasten, hezitzen eta eskolatzen jardun beharra dago.

Hori guztia sartzen da Heziera Legean. Premia hontaz jabetu dira.

Politikazko iritzira banatu hezierarako diru-laguntza Honek Euskal Herriari ematen dion jipoiaz mintzatu zen hizlaria.

Hau garbi azaltzen du A. de Miguel-ek urte honetako Urtarrilaren 11an, "Informaciones" aldizkarian. Euskal Herriari ekarri da sei urte betegabeko haurrentzat diren geletarako izendaturik zegoen dirua ia erabat. Eta hori hemen baino premia handiagoak beste leku askotan egonik. Ikastolaren hazteak bildurturik, noski, ezpairik gabe.

Erdi mailako eta goi mailako hezieran du bati-pat zerikusia hezierak ekonomiaz. Eta hemen moldatu behar dira gauzak taxuz, karrerak eraberrituz eta hauen berri argi eta garbi emanaz. (Zenbaterik aukeratzeko duten karrera bat gehiegi ezagutu gabe).

Oinarizko bi pentsakizun, gaiari girtenetik helzteko.

1) Ekonomia taxutu behar da heziera moldatu aurretik. Bestela jendea larritu eta aztoratu egiten da. Etsi egiten du jendeak. Eta okerrena: ihes egiten du titulodun jendeak. Hau ez da gerta ditekene zerbait, gertatzen den zerbait baizik.

2) Ez atzera eta ez aurrera zuloan sartutako ekonomia gorpilak jendea kanpora botatzen eta uxarazten du. Batetik gertutu gabeko jendea etorri eta etorri ari da Bestetik ikasitako jendea ihes doa. Uka ezinezko ondorioa dator: inolaz ere aurrera ezin joan den ekonomia.

Beraz garbi dago hemendik hamar edo hamabost urtetara izango den industriarik begira jarri behar dela heziera eta irakaskintza. Hontarako dirua behar da eta ez norbaitek bere gogoz eman dezakeen dirua, estadiak eman behar duen dirua baizik.

Eskua sartu behar dute hezieraren eraketa hontan Herri txikiak ere. Ez dira ahaztu behar. Ez da ezer alferrik galdu behar. Ondo erabili behar dira bakoitzaren ondasunak ere. (Zera aipatu zen adibidez: "Unibersidad Labora"-eko kontua. Gipuzkoan bi ikasle atera ditezke aurrera bek hoietako bakar batez).

Eraketa on baten barruan alderdi interesgarri batzuk gerta ditezke:

a) Lanlekuan jartzea kosta egiten zaio Unibersidadetik atera berriari. Horregatik bidezkoa litzateke ikasten ari den bitartean tarteko berenik lantokian jardutea. Bidez ikasten jarduteko diru piska bat ere atera egingo luke. Ez litzateke besteren kontura ikasten ibiliko. Urte gehiagotan ikasten jardun ahal izanen luke eta gehiago jakiteko bidea edukiko.

b) Egon ditezke hontaz arduratzen diren beste elkarte batzuk ere, Patronatoak adibidez.

d) Hau aurrera eramateko gaur eta honerako egokiak eta Herriaren ekonomiako egoerari lotuak dauden bideak eskeini behar dituzte ikastetxeek industriarekiko harreman eta elkar-lanean.

—oOo—

B) Euskal Herriko egiazko arazoei buruz egin diren azter lanak aipatu ziren. Lan hauen beharra ikusi zen.

Gaurregun hontaz dauden eragozpenak azaldu ziren. Badira azter-lan hauek egiteko agintzen dituzten elkarteak. Baina gero ez dira argitaratzen. Edo berauek nahi dutena bakarrik agertzen dute. Ezer gutxi jakinik geratzen da jendea. Beste eragozpen askoren artean dirurik ezaren eragozpena dago. Asko behar da taxuzko lan bat egiteko.

Oso beharrezko da dato zehatzak biltzea ere ekonomia eraketa on bat egin nahi badugu.

Azter-lanak ere elkarrekin lotzen saiatu behar da indarrak alferrik ez galtzarren. Hontaz Mankomunidadeak duten garrantziaz hitzegin zen.

DATOEN bankaetxe baten beharra ere sumatu zen. Azaldu zen honen premia Iruretagoienak hirigintzaz eman zuen hitzaldian ere. (Baina beste batean emango dugu jaun honen iritzien berri). Bizkaian gai hontaz zerbait egiten hasiak direla badirudi.

Bidenabar, baina, aipatu zen enkuisten arazoa ere. Arreta gutxi erantzuten zaie, ez bait da jendeak onar dezakeen agiririk agertzen askotan.

—oOo—

D) Euskal Herriak duen elite on baten faltaz mintzatu zen gero. Jabetu al dira egiaz egoeran hontaz hemengo lantegietako nagusiak? Gaurerako taxuturikako euskal-entresariorik bai al dago? Hone-latsuko galderak egin ziren.

Hauxe esan zen hontaz:

1) Aukerako talde hauek sortzea lan gaitza da (lehen-goan esaten genduaneraz kanpora doaz ihesi euskal-industriaren iraultza egin zuten gizonak). Baina sortu ditezke, ez da hain ezinezkoa.

2) Nahitaezkoa da hontaz argitua eta kezkatua eta jabetua egotea. Zuztarretik gauzak garbi ez dakizkienak ez du honen premiarik ikusiko eta ez da aldaketarik egin ahal izango. Hortik hezieraren axola.

2) Dankaguna kontuan edukirik jo beharko da hirugarren mailako industrietara. Gipuzkoako industriak ez du beregan aldatzeko hainbat indarrik, baina lozorrotik esnatzen ari ditu ekonomia-harok eta egoeraz jabeazten.

Hotarako behar-beharrezkoa da produzioa gehitzea bestela ez ditezke hirugarrenaraino alda. Baina aurrena buruak eta buruzpideak aldatu behar dira.

Gizon eraginkorrik ere sortu behar da. Bide berriak urratzen dituen teknikoan taldea ere premiazkoa dugu.



Lanoetatik ez da ezer ixuri eta jaulkiko. Dauka-gunetik hasi behar da. Egiten dena saltzeko moduan eskeini behar da azokan, besteak baino hobea eta merkeagoa, ahal dela, alegia. Bide hortatik jo behar da beste alderdi eta industrietara. Gastabide besterik ez bait dira hasieran hirugarren mailako industrietara.

Industria nagusien morroi diren industria langutzaileen berritu beharra ere aipatu zen. Teknika-jakintza gehiago erabili behar dute. Ez ditezela makina eta gizon batzuen gordeleku gerta.

Hau da gorabeherak izkutatuzteko bidea. Hau da Euskal Herriaren hazkundera laguntzeko era.

Hirugarren mailako lantegiak sortzeko norainoko indarrak daukagun ikustea ere nahitaezkoa dugula esan zen. Bakoitzaren premiak, asmatzearen beharra, ahalaren eta ezinaren bereizketa...

Azterlan bikaina litzateke hau guztia. Egin gabe dagoen azter lana, noski.



AURTIZ